

AJORNARTORSIORTNISSANUT PIAREERSIMANEQ

PIAREERSARIT – ILINNUT EQQARSAATIGALUTIT AAMMALU ATAATSIMOOQATIT
EQQARSAATIGALUGIT

UPALUNGAARSIMANERMI ILAAVUTIT

Danmarki nunaavoq tunngaviusumik toqqissisimanartoq isumannaatsorlu. Nunarsuarmi inuiaqatigiinni ineriarnerpaani digitalinngorsagaanerpaanilu, inerisarluarneqarsimasunik ataqaqtiginnillu attaveqaasersuuteqartuni inuuvgugut, tamatuma kingunerisaanik ulluinnarni pisariaqartitatsinnik nalinginnaasunik, soorlu sarfamik, imermik, kiassarnermik, attaveqaqtiginnermik inuussutissanillu aalajaatsumik atugassaqarluta.

Kisianni inuiaqatigiit nutaaliaasut aamma sunnertiapput.

Minnerunngitsumik ajornartorsiornet pilerneranni tamanna atuuttarpoq. Suliassaqarfimmi ataatsimi sivikinnerusumik sivisunerusumilluunniit qamittoorneq, suliassaqarfiiit allat akimorlugit annertuunik sunniuteqarsinnaavoq. Tassani assersuutigalugu pineqarput sivikinnerusumik sivisunerusumilluunniit sarfamik, imermik aammalu pisariaqartitanik nalinginnaasunik pisiniarnissamik periarfissaqarneq

Ajornartorsiornermut pissutaasut suusinnaanerat apeqqutaatinnagu, illit nammineerlutit, inoquvivit inuiaqatigiillu ajornartorsiornermik aniguilluarsinnaanissarsi qulakkeerniarlugu iliuuseqarlutit inissisimasinnaavutit.

ULLUT UNNUALLU PINGASUT

Oqartussat inassutigaat, ajornartorsiorneq equissagaluarpat, illit inoqutitillu ulluni unnuanilu pingasuni ingerlalluarsinnaassasusi.

Sillimareersimaguit aammalu ilinnut qanigisarnullu isumagissinnaaguit, oqartussat pisariaqartitsinerpaanut nukissatik atorsinnaassavaat aammalu pisut nalinginnaasunngortinnissaat sulissutigisinnaassallugu. Amerlanerit nammineersinnaappata aammalu ajornartorsiornetup nalaani kinguninngualu allanut eqqaminniittunut ikuussinnaallutik, inuiaqatigiittut nukittunerusussaavugut.

Illit nammineersinnaanissanut siunnersuutit pisariittut iluaqtigissavatit. Siunnersuutit danskit oqartussaasui arlalippassuit soleqatigalugit suliarineqarput. Ajornartoornernik pisoqarnissaa qanoq piareersarfigineqarsinnaanersoq, ataatsimoorluni nalilersuinermut taakkua takussutissaapput.

Immaqa siunnersuutit suliaqarnermi atornissaat pisariaqartissanngilat. Kisianni sillimareerluni pitsaasuuvoq. Pisinnaasarnik iliorit, aammalu ilaqtuttatit, sanilitit ikinngutitillu ikiortugit. Qujanartumik tamanna Danmarkimi pikkoriffigaarput. Neriuutigaara siunissami ajornartoornernik pisoqarnissaanut piareersimalluarnerulernissatsinnut siunnersuutit iluaqtaassasut.

Laila Reenberg
Pisortaq, Upalungaarsimanermut aqutsisoqarfik

AJORNARTOORNERIT ANIGORLUAKKIT

Pisorpassuit ajornartorsiortitsilersinnaapput. annertoorujussuarmik silarluttarnera akulikilliaartorpoq sakortusiartorlunilu, tamannalu nuna tamakkerlugu imaluunniit nunap ilaani sunniisinnaavoq. Pisunit inuit pilersitaannit siooratitsinerit, soorlu qarasaasiatigut saassussineq aammalu aserorterineq, Europami sillimaniarnermut politikkikkut pisut ajorerulersut malitsigisaannik ilungersunartuupput. Kiisalu inuiaqatigiinnut atitunerusumik sunniisunik ajutoorernik, teknikkikkut ajornartorsiuteqalernernik allanilluunniit pisunik pisoqalersinnaavoq.

Inuinnartut ajornartoornerup toqqaannarnerusumik sunniutigisinnaasaa tassaasinnaavoq pilersuinerup unittoornera. Takorloruk ikkuffiit sarfaqanngitsut imaluunniit qorlorfimmieqanngitsoq. Nillataartitsivik kissarsuullu atorsinnaanngitsut. Immaqa piffissami aalajangersimasumi pisiniarsinnaanngilatit, sianersinnaanngilatit imaluunniit internet-imi attaveqarsinnaanngilatit

Ajornartorsiornermik pisoqalerterani siunnersuutit paasiuminartut malikkukkit, nammineerlutit ingeralluarsinnaassaatit. Inassutigineqarpoq illit inoqutitillu ulla unnuallu pingasut nammineerluarsinnaassasusi. Tamatumani pisut nalinginnaasunngornissaasa sulissutiginissaanut oqartussat piffissaqartinneqassapput aammalu pisariaqartitsinerpaanut ikuuussinnaassallutik.

IMEQIMERNEQARSINNAASOOQ

ULLOQUNNUARLUINUMMUTATAATSIMUT3LITERIT

Imigassamik immaqalu nerisassiornissamut ulloq unnuarlu inummut ataatsimut 3 literi naatsorsuutigissavat. Ulluni unnuanilu pingasuni imermik sillimmateqassaguit, tassa inuk ataaseq 9 literinik imissaqartussaavoq. Inoqutingiinniittut tamarmik imissaqarnissaat isumagissavat – aamma uumasuuteqaruit

Fødevarestyrelsen-ip aamma Miljøstyrelsen-ip nittartagaanni paasissutissat annertunerusut takusinnaavatit.

IMATUTIMEQSIVISUNERUSUMIKUNINNGASUUTIGISSAVAT

Imermik imerneqarsinnaasumik puuaasamiittumik pisissaatit, nillertumi taartumilu inissisimatissavat aammalu puuaasami ulloq ajortissinnaaffissaa allassimasoq tikillugu. Ingerlaavartumik taarsertassavat..

Imeq imigassaq kuutsitsisarfimmeersoq sapinngisamik nutaajussaaq, kisianni imeq nillataartumiitikkaanni taartumiitikkaannilu qaammatini arlalinni puuaasani/puussani matoqqasuniitneqarsinnaavoq.

Imermut imerneqarsinnaasumut puussat inuussutissanut akuerisaasut kisiisa atussavatit, aammalu atunnginneranni tunisassiortup ilitsersuutaa malillugu errortassavatit.

Akuttunngitsumik imeq puuanittooq taarsertariaqartassavat. Assersuutigalugu naasunik imerterinermut atorsinnaavat, puua errorlugu immeqqillugulu.

NERISASSAT

ULLUNUTUNNUANULLUPINGASUNUTNERISASSAT

Inoqutigiit ullunut unnuanullu pingasunut nerisassaqarnissaat isumagissavat. Nerisassat nillataartitsivimmiinnatik qerititsivimmiinnatillu sivisunerusumik ajortittussaanngitsuussapput. Nerisassat kissarsuummi nerisassiarineqartariaqanngitsut toqqarukkit pitsaassaaq (ass. asiunaveersakkat, knækbrød). Nerisassat illit inoqutivillu ulluinnarni atortagaat mamarisaallu toqqassavatit.

ASERUJUSSUSEQ AAMMA PIAREERSAANEQ

ASERUJUSSUSEQ

Ataatsikkut annertoorsuarnik pisiniartariaqanngilatit. Ulluinnarni nioqququtissanik pisiniartussaareeruit, immikkut sivisuumik aserujuissusilinnik pisinialaartarsinnaavutit. Ingerlaavartumik peqqumaativit atornissaat aammalu immeqqittarnissaat isumagiuk, taamaalillutik nioqququtissat pisoqalivallaartassanatik. Nerisassat panertumi, taartumi nillataartumilu inissisimatittakkit.

PIAREERSAANEQ

Nerisassaateqaruit piareersaqqaartariaqartunik (ass suaasat, pastat), imermik qalatitsinissamut periafissaqarnissat isumagissavat – aamma sarfaqanngitsumi imaluunniit illoqarfimmi gasseqanngitsumi. Tamanna assersuutigalugu siatsivimmi grill-imi imaluunniit silami igaffigineqartartumi. Siatsivik grill assigisaallu illup iluani imaluunniit inimi matoqqalluinnartumi matoqqavinnngitsumilu atunngisaannakkit. Pujumik aamma/imaluunniit kulilte-mik toqunartoqalersinnaanera aarlerinaateqarpoq.

Uninngasuuteqarnissamut, eqqiluisaarnissamut il.il. siunnersuutit annertunerusut Fødevarestyrelsen-ip nittartagaani atuarsinnaavatit.

NAKORSAATTIT, EQQILUISAARNEQ ALLALLU PISARIAQARTITAT

NAKORSAATTIT AAMMA IKIUEQQARNEQ

Minnerpaamik ullunut unnuanullu pingasunut nakorsaatit pisariaqartut aammalu ikiueqqaarnissamut karsip piginissai isumagissavat. Ikiueqqaarnissamut karsi assersuutigalugu nipittartunik, nimissanik (mattutissat, mattutissat tasissinnaasut aamma mattutissianik il.il.) aammalu ikinik saliinissamut tunillannartuaatinut atortussanik imaqarsinnaavoq. Atomip nukinganik ajutoortoqarluni pisoqartillugu illup iluaniinnissaq siunnersuutini pingaarnersaavoq. Inassutigineqarpoq inunnut 40-t inorlugit ukiulinnut kiisalu naartusunut milutsitsisunullu iisartakkanik jodinik sillimmateqarnissaq. Annertunerusut Sundhedsstyrelsen-ip nittartagaani atuakkit. Atomip nukinganik ajutoortoqarluni pisoqartillugu, oqartussat inassuteqaataat malissavatit.

EQQILUISAARNEQ

Eqqiluisaarnermut atortunik peqarnissaq isumagissavat, soorlu assersuutigalugu equutissiat, assannut tunillannartuaatit, serviatsit masattut, nalequttat aamma tampon-it.

KIASSARNEQ

Kiassat qamippat aammalu sila nillerluni, inoqutigiinniittut tippit, qipiit, atisat oqortut il.il. atorsinnaavatit. Piffissami sivisunerusuni nillerpat, inoqutigiit inimi ataatsimi pingaarnertut isersimallutik kialaarsinnaapput. Naneruutit imaluunniit kiassaatit allat atorukkit, taakkua

atortunit ikuallajasunit, soorlu saagunit tippinillu ungassisumiiillugit manngersumik toqqaveqartinneqassapput.

PISARIAQARTITAT ALLAT

Ajornartoortuni pisut amerlanersaanni oqarasuaat angallattagaq sakkussatut pingaaruteqarpoq. Assersuutigalugu ilaqtatit attaveqarfingisinnavaatit aammalu pisoq pillugu paasissutissat takusinnaallugit. Powerbank/batteriit pigigukkit, najukkami sarfaarulluni pisoqartillugu oqarasuaat angallattagaq sarfalorsorsinnaassavat. Annertunerusumik imaluunniit sivisunerusumik sarfaqanngippat, oqarasuaatinut attaviit aamma internet sunnerneqarsinnaapput imaluunniit attaveerussinnaallutik.

INISSISIMANERIT IMMIKKULLU PISARIAQARTITATIT EQQARSAATIGIKKIT

IMMIKKUT PISARIAQARTITSINERIT

Meeraaqqanik, utoqqarnik imaluunniit napparsimasunik immikkut pisariaqartitsisunik illoqateqarpit, assersuutigalugu meeraaqqat immussaannik, nangernik imaluunniit paaqqutarinninnermi atortunik? Taamaappat angerlarsimaffimi saniatigut sillimmateqarnissaq isumassariatsialaasinnaavoq. Aamma imaassinjaavoq uumasuuteqartutit, ilaqtigut nerisassanik imermillu pisariaqartitsisunik.

ILLIT EQQARNIITTUT

Sumi najugaqarnersutit apeqquaalluni annertunerusumik annikinnerusumilluunniit ajornartorsiornerusinnaavutit. Assersuutigalugu sinerissamut qanittumi imaluunniit sumiiffimmi appasissumiittumi najugaqaruit, qarsutsinermik eqqugaasinnaavutit. Assersuutigalugu puunik sioqqanik imalinnik sumi pissarsisinnaanerlutit misissornissaa isumassariatsialaassaaq.

ASSARTUUSSINEQ

Angallannermi aqqutissat pinngitsoorsinnaanngisatit paasisimaarilikkit allatullu periarfissaqarnersoq eqqarsaatigiuk. Rejseplanen aamma Vejdirektoratet-mi angallannermut paassisutissiarnerit aqqutigalugit attaveqaqatigiittarneq eqqumaffigiuq. Avingarusimasumi najugaqaruit aamma/imaluunniit angallannikkut ikiorneqarnissaq pisariaqartillugu, pisariaqalissagaluarpat ikuussinnaasut sanilitit, ilaqtatit ikinngutit illu ikuussinnaasut isumaqatigiissuteqarfingikkit.

SANILIT, IKINNGUTIT AAMMA ILAQUTTAT

Najugaqarfippit eqqaaniittut inuit imaluunniit peqatigisartakkatit ikiorneqarnissamik pisariaqartitsinersut eqqumaffigissavat. Oqarasuaatit normui pingaarutillit, assersuutigalugu nillataartitsivimmi nivinngarsimasinnaasatit, pappialamat allannissai eqqarsaatigiuk.

KALERRISAARINEQ AAMMA KALERRISAARINEQ

KALERRISAARINEQ

Pisuni tassanngaannartuni oqartussat kalerrisaarutinik nilliatitsillutik, NILLIATITSISUMMIK aamma upalungaarsimanissamut nalunaaruteqarlutik, mianersoqqusisinnaapput.

Kalerrisaarummik nilliatitsineq tusarukku, illup iluanukassaatit aammalu DR imaluunniit TV 2 aqqutigalugit oqartussanit paasissutissiinerit takusassallugit. Periaatsit allat qamittoorsimassappata, DR raatiukkut oqartussaniit upalungaarsimanissamik nalunaarut

aallakaatinneqassaaq. Paasissutissiinernut aqutissat allat atorsinnaajunnaarpata, FM-radio, batteriilik/assammik amoortagaq/seqernup qinngornerinit ingerlasoq, atorlugu nutaarsiassat tusarnaarsinnaavatit. Amerlasuut biiliminni FM-radio-qarput.

KALERRISAARINEQ

Ambulance-nik, politiinik imaluunniit qatserisartunik pisariaqartitsiguit 1-1-2 sianerfigissavat. Tassanngaannartumik ajornartoirluni pisoqartillugu aatsaat 1-1-2 sianerfigissavat. Taamaanngippat inuunermut pingaaruteqartunik sianertoqarnissaanut oqarasuaatip aquttaa mattussinnaavat. 1-1-2 ajoquuteqarpat, oqartussat allatut attaveqarnissamut paasissutissanik nalunaaruteqassapput

SIAMMARTERILINNGINNARNI EQQARSAQQARIT

Oqartussat inuit attaveqatigiittarfisiqut nittartakkatigullu malinnaaffigikkit. Ajornartoorneup nalaani paasissutissanik upternarsarneqareersunik siammerteriguit aammalu tusatsiakkanik aammalu paasissutissanik eqqunngitsunik imaluunniit paasissutissanik paatsoortitsisussanik siammerterinnginnissaq eqqumaffigukku, tamanna annertuumik iluaqutaassaaq.

Taamaattumik attaveqarfigisartagarnut paasissutissanik siammerterilinnginnarni, tusarfik tutsuiginartuunersoq tamatigut misissoqqeqqaartassavat

SIUNNERSUUTIT PILLUGIT

SOOQ AJORNARTOORLUNI PISOQARTILLUGU NAMMINEERSINNAASUSSAASSAAGUT?

Ulluni unnuanilu pingasuni nammineersinnaaguit, oqartussat ajornartorsiorneraanut ikuunnissaq aammalu pisut nalinginnaasunngortinnissaat ukkatarisinnaassavaat. Piareersareersimaguit, illit ilaquitatillu aamma ajornartoirluni pisoqarnerani inisisimalluarnerusussaavusi. Piumassuseqaruit periarfissaqarlutillu – piffissaqarlutit, inissaqartitsillutit, nukissaqarlutit – sivisunerusumut annikinnerusunik pequmaasersornissaq akornutissaqanngilaq – pingartumik assersuutigalugu nunami sumiiffinni ajornartorsiorniusuni najugaqaruit imaluunniit assersuutigalugu nakorsaatinik inuunermut pingaarutilinnik immikkut pisariaqartitsiguit.

SOOQ ULLUT UNNUALLU PINGASUT?

Ajornartoornernik pisoqartillugu ulluni unnuanilu pingasuni nammineersinnaanissap inassutigineqarnera aammalu siunnersuutit ataasiakkaat, oqartussat arlallit suleqatigalugit Upalungaarsimanermut aqutsisoqarfimmi suliarineqarput. Ilaatigut Nunami namminermi aarlerinaataasut aammalu oqartussat allat siooranartut, isumannaallisaaneq sunnertianerlu pillugit naliliineri kiisalu pisinnaasut, taakkua sivisussusisaat sunniutigisinnaasaallu piviusorsiortut attuumassutilillu suliaqartunit misissorneqarnerat tunngavigalugit naliliineq tassani pineqarpoq.

ILLIT INISSISIMANERIT

Kikkut tamarmik piareersarnissamut assigiimmik periarfissaqartanngillat – ilaannikkullu ilaquitat, ikinngutit imaluunniit sanilit peqatigalugit piareersarnissaq ajunnginnerusarpoq. Imaassinnaavoq killilimmik inissalimmi najugaqartutit, aningaasaqarnerit annikilluni imaluunniit assersuutigalugu pitsorluttuullutit. Pisinnaasarnik, aammalu illit inissisimanerni inoquternilu ajunnginnerpaasussamik iliorit. Piareersarnerit ila piareersannginnermit pitsaanerusarput.

SIUNNERSUUTIT ILITSERSUUTAAPPUT MALINNEQARSINNAASUT

Siunnersuutit ilitsersuutaapput malinneqarsinnaasut aammalu inoqtigiit ataasiakkaat pisariaqartitsinerinut atugaannullu naleqqussarneqarsinnaallutik.

EQQAMASASSAT ALLASSIMAFFIAT

MATUMA KINGULIANI TAKUSINNAAVAT EQQAAMASASSAT ALLASSIMAFFIAT ISUMASSARSIORFIGISINNAASAT. EQQAAMASASSAT ALLASSIMAFFIANIIPPUT SIUNNERSUUTIT, PISARIAQARTITSINERIT NALINGINNAASUUNERPAAT TASSANIILLUTIK.

IMEQ IMERNEQARSINNAASOQ

Ulloq unnuarlu inummut ataatsimut 3 literit

Immaqa uumasuutit imissaat

NERISASSAT

Ullunut unnuanullu pingasunut nerisassat, sivisuumik asiusinnaanngitsut aammalu piareersaruminartut

NAKORSAATTIT AAMMA IKIUEQQAARNEQ

Inoqtigiinnut nakorsaatit pisariaqartut

Ikiueqqaarnissamut karsi

Immaqa inunnut 40-t inorlugit ukiulinnut kiisalu naartusunut milutsitsisunullu iisartakkat jodit

EQQILUISAARNERMUT ATORTUT

Equutissiat

Assannut tunillannartuaatit

Nangit, nalequttat/tamponit imaluunniit allat inoqtigiinnut naleqquttut

KIASSARNEQ

Tippit, qipiit, atisat oqortut

PISARIAQARTITAT ALLAT

Assersuutigalugu oqarasuaaternut angallattakkamut powerbank imaluunniit batteriit poortat

Qaammartartoq

Batteriit

Korti akiliut (eqqaamajuk pinkode) immaqalu aningaasat aggorsimasut aamma pappialat annikitsut

Immaqa naneruutit aamma ikitsisit

IMMIKKUT PISARIAQARTITSINERIT

Inoqutigiit meerartaqarpat imaluunniit utoqqartaqarpat?

Assersuutigalugu qarsutsinernut tunngatillugu ajornartorsiorfiusumi najugaqarpit?

Assersuutigalugu qarsutsisoqarluni pisoqartillugu allatut assartorneqarnissamut periarfissaqarpit?

Ilaquttatit, sanilitit ikinngutitillu ikorsinnaavigit imaluunniit ilaquttavit, sanilivit ikinngutivillu ikorsinnaavaatsit?

ATTAVEQAQATIGIINNEQ

FM-radio, batteritortoq/assannik amoortagaq/seqernup qinngornerinik ingerlatilik (imaluunniit immaqa biilini radio).